

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 12.03.2018թ. թիվ 1807740963 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<29>> 03 2018թ. 17-4-35349-18/17-4-4849

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Թաթուլ Գրիգորյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Կոտայքի մարզի Հրազդան քաղաքի Մյասնիկյան փողոցի 34 տան բնակիչ Թաթուլ Գրիգորյանը դիմումով հայտնել է, որ OPEL մակնիշի 35 QP 413 հաշվառման համարանիշի ավտոմոբիլը վարել է ինքը և խնդրել վերանայել կատարված երթևեկության կանոնների խախտման համար կայացված 12.03.2018թ. թիվ 1807740963 որոշումը՝ նշելով, որ հետադարձը կատարել է հարկադրված՝ երթևեկության այլ մասնակիցների գործողության պատճառով:

<<Վարչական իրավախախտումների վերաբերյալ>> ՀՀ օրենսգրքի 286-րդ հոդվածի 1-ին մասի համաձայն Թաթուլ Գրիգորյանը ճանաչվել է որպես խախտումը կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ դիմումատուի պնդումը չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

Երևան քաղաքի Մ. Մկրտչյան-Խորենացի փողոցների խաչմերուկի հատվածում՝ Մ. Մկրտչյան փողոցի աջ մասում՝ խաչմերուկի ուղղությամբ՝ երթևեկության մասնակիցների համար տեսանելի վայրում տեղադրված է 4.1.4՝ <<Երթևեկությունն ուղիղ կամ դեպի աջ>> ճանապարհային նշանը:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման համաձայն՝ 4.1.1 - 4.1.6 նշանների ազդեցությունը տարածվում է երթևեկելի մասերի այն հատման վրա, որից առաջ տեղադրված է նշանը: 4.1.1 - 4.1.6 նշանների առկայության դեպքում թույլատրվում է երթևեկել միայն նշանների վրա սլաքներով ցույց տրված ուղղություններով: Չափ շրջադարձ թույլատրող նշանները թույլատրում են նաև հետադարձը:

Վիճարկվող որոշման հիմքում դրված տեսանյութի ուսումնասիրությունից պարզվել է, որ դիմումատուին պատկանող տրանսպորտային միջոցը վերը նշված փողոցների խաչմերուկի տարածքում հետադարձ կատարելով, խախտել է առկա 4.1.4՝ <<Երթևեկությունն ուղիղ կամ դեպի աջ>> ճանապարհային նշանի պահանջն, ինչի համար <<Վարչական իրավախախտումների վերաբերյալ>> ՀՀ օրենսգրքով սահմանված է վարչական պատասխանատվություն:

Տեսանյութի ուսումնասիրությամբ պարզվել է նաև, որ դիմումատուն հարկադրված չի եղել իրավախախտում կատարել, ուստի վերջինիս պնդումը չի կարող որոշման անվավերության պատճառ հանդիսանալ:

Այսպիսով հիմնավորվել է, որ դիմումատուին վարչական պատասխանատվության ենթարկելու մասին վերը նշված որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասով և 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Թաթուլ Գրիգորյանի՝ Ճանապարհային ոստիկանության 12.03.2018թ. թիվ 1807740963 որոշման հիմքում դրված փաստական հանգամանքների դեմ բերած զանգատը թողնել առանց բավարարման:

2. Հանձնարարել ՏՄՀԽԱ կենտրոնին՝ Թաթուլ Գրիգորյանի անվամբ կայացնել նոր վարչական ակտ:

3. Սույն որոշումը կարող է բողոքարկվել ՀՀ վարչական դատարան՝ ՀՀ օրենսդրությամբ սահմանված կարգով և ժամկետներում:

4. Սույն որոշման օրինակն ուղարկել Թաթուլ Գրիգորյանին և ՃՈ ՏՄՀԽԱ կենտրոն:



Ե. Կարապետյան